

آبونه شرائطی

داخلی ، خارجی هریر ایچون
سنه لکی (۲۵۰) ، آلتی آیلنی
(۱۳۰) غروشدور.

[نسخه سی ۵ غروش ،
سنه لکی ۵۲ نسخه در .]

اداره خانه

باب عالی جاده سنه دائره مخصوصه

اخطارات

آبونه بدلی پشیندر

مسلكه موافق آثار مع المنونیه
قبول اولنور . درج ایدله یین
یازیلر اعاده اولونماز .

الکتاب

نمبر ۱۰۶

دینی ، فلسفی ، علمی ، ادبی هفته لق مجموعه اسلامیه در

والله یهدی من یشاء الی صراط مستقیم

باش محرر
محمد ماکف

صاحب و مدیر مسئول
اشرف ادیب

اتبهون اهدکم سبیل الرشاد

عدد : ۳۶۶

۱۵ ذی القعدة ۱۳۳۶

پنجشنبه

۲۲ آغستوس ۱۳۳۴

جلد ۱۵

اخطارات

آدرس تبدیلینده آیرجه بش
فروش کوندرا لیدر .

مکوبلرک امضالری واضح
واووناقلی اولسی و آبونه صره
نومروسی محتوی بولنسی لازملار .

عمالک اجنبیه ایچون آبونه
اولانلرینک آدرس لری نک فرانسه
جهده یازماسی رجا اولنور

پاره کوندرا لیدیکی زمان نه یه داتر
اولدیغنک واضحاً بیلدیرلمسی رجا
اولنور .

متفق تحت البحر لر ، سواحلی محاصرہ ایدن عثمانی قطعانہ ، دکڑدہ مؤثر صورتہ معاونت ایتدکارندن محصور لر اکثریا اور وادن قوای معاونتہ طلب ایتہیہ مجبور اولیور لر . تلسر تلغراف استاسیونلرندن غیری ، ایتالیایی طرابلسہ ربط ایدن بالعموم وسائط مخبرہ ، برقاج ایدن بری کاملاً تخریب ایدیلشدر . ایتالیانلرک ، سواحلدہ اشغال ایتدکاری محللردہ کی قطعانہ ارزاق توزیعی ایچون کوندردکاری سفائن یا تحت البحر لر طرفندن احما ایدیلدور و یا خود ہر ناصلسہ ساحلہ التجایہ موفق اولدقلری تقدیردہ یرلیر طرفندن دوچار هجوم اولیور لر . یرلیر ، بویلہجہ یا قالدقلری سفائنک مرتبائی دوضربہ داخلہ سوق ایدیور لر .

ایتالیان غزقہلری یرلیرک بونوع تعرضلرندن یک چوق بحث ایدیور لر . حتی غزقہلر ، حزیرانک یکرمی التیسندہ یرلیر طرفندن وقوع بولان تعرضہ ایتالیان ساحل طوبجباری شدتہ . مقابلہ ایتدکارندن بوتون مصراطہ ساحلک انشلا ایچندہ قالدیغنی ودشمنک بیک مشکلات ایلہ طاغیدلیغنی یازدیلر .

عینی کون یرلیر قرہ دن دہ تعرض ایتدکاری صرہ دہ تحت البحر لر ۹۰۰ طونلق برکی بی ساحلہ سورہ رک قرہ یہ او طور تمشلر و حولہ سنی یرلیرہ اغتنام ایتدیر مشلردر . یرلیر ایسہ ، حولہ سنی راحت راحت تخلیہ ایتدکدن صوکرہ کمی بی برہوا ایدرک مرتبائی داخلہ سوق ایتشلردر . صوکرہ زمانلردہ یرلیر ، ایتالیانلر اندہ اسیر بولونان معتبرانک تخلیہ سہ مقابل ، کندی الارندہ بولونان اسیرلر دن بر مقدا رینی سربست بر اقایہ موافقت ایتشلردر . وقیلہ ایتالیانلر ، انہای رجعتلرندہ یرلی معتبراندن بعضیلرینی بر لکدہ کتور مشلردی . شیمدی ایسہ ، ایتالیانلرک ، بواسیرلری ساحلدہ آرتق امین کورمہ دکلرندن (تاریتہ آ) یہ سوق ایتش اولمالری محتملدر .

خط ہایون

— الویۃ ثلثہ اہالیستہ خطاباً —

جد امجد منر جنتمکان یاوز سلطان سلیم وقانونی سلطان سلیمان حضرانک عہد برین شوکتلرندن اعتباراً بی دربی ضمیمہ ملک عثمانی قلنمش و اوچ عصر مدتلہ زیرادارہ سلطنت عثمانیہ دہ بولنمش اولان قارص ، اردھان ، لیوانا ، باطوم قلعه اریلہ ملحقاتی کچن طقسان اوچ حرب مشومی نتیجہ سسندہ تضمینات حربیہ یہ مقابل ایادی اعدایہ انتقال ایلش ایدی . اول زماندنبری حامی اسلام اولان مقام خلافت معظمہ مزک النظر شفقت و ابوقی مادر وطندن افتراق ایتش اولان محال مذکورہ اہالیسنک احوال حزن اشتائہ انعطافدن خالی قلامش اولمغلہ بورالرک تکرار ممالک محروسہ شاہانہ مزہ التحافی امکان پذیر بویورمش اولان جناب و اہب الماک حضرتلرینہ عرض حمد وشکران بی پایان ایلرم .

اجنبیہ نک میسیونر لر کوندرمکہ و بوقطعہ دہ مکتبلر آجہ حق بوقدر واولہ ماز . روسلرک آسیادہ یایدقلری کچی بزم دخی آناتولی بی اجنبی نفوذ و مداخلہ سندن قطعاً تجرید ایتہ مزمانی کلشدر و بوکا شیمدی موفق اولہ ماز ایسہ ک ایلری دہ هیچ اولہ ماز .

طرابلس غریبہ مجاہدین اسلامیہ نک مظفریانی

زمان غزقہ سنی (نیو روتردامیشہ قورانت) غزقہ سندن عیناً نقل ایدیور :

• انور پاشا ، طرابلس غرب اہالیسی ، بالحاصہ سترسیلر آرہ سندنہ اولکی محاربہ دہ آکساب ایتدیکی نفوذ و شہرتی شیمدی یہ قادر محافظہ ایتہیہ موفق اولمشدر . انور پاشا طرابلسدن آیریلہ لی بش سنہ اولدینی حالہ اورادہ کی نفوذندن ذرہ قادر غائب ایتہ مشدر . پاشای مشارالیک اوامر و تعلیماتی ، بوتون طرابلس اہالیسی طرفندن بلا قید و شرط و بلا تردد در حال ایفا ایدیلکدہ در . اہالی اسلامیہ نک طرابلس غربی آرتق کاملاً استرداد ایتش اولدقلرندن بحث ایدیلہ . بیلیر . طرابلس غریبہ ایتالیانلرک حاکمیتی ، آنجق سواحلدہ برقاج نقطہ یہ منحصر قالمشدر . داخلہ اہالی ایتالیانلری اصلا طانیماز .

ممالک عثمانیہ ایلہ طرابلس فہرب آرہ سندنہ بر طریق مواصلہ تأمین نہ صورتلہ قابل اولدینی بر سر حکمندہ قالمشدر . الیوم طرا بلسدہ بیکارجہ عسکردن مرکب و مکمل طویلرلہ بجهز عثمانی قطعانی موجوددر . بوقطعاتک ناصل تشکیل ایدیلدیکی و طویلرک ناصل نقل ایدیلہ بیلدیکی بیلیمہ یں شیلردندر . صوکرہ زمانلردہ منفرد مفرزہ لر حالندہ بیلہ ساحلدہ طوتونمایہ موفق اولان بوقطعاتہ متفق حکومتلر تحت البحر لری ارزاق و تجهیزات کتیرہ بیلمشلردر .

بوندن بر مدت اول طرابلسہ مواصلت ایدن شہزادہ عثمان فؤاد افندی حضرتلری اہالی طرفندن یک بویوک بر حرارتلہ استقبال ایدیلشدر . الیوم یکرمی بش یاشلرندہ اولان بو پرنس کوزل بر تربیہ یہ و معلومات عسکریہ یہ مالکدر . مشارالہ حضرتلری تربیہ عسکریہ سنی آلمانیا دہ کورمش و ملازم صفیلہ خاصہ آلایندہ ادارہ ملکیدہ بولونمشدر . مشارالہ عثمانی اردوسندہ یوزباشی رتبہ سنی حائز اولوب الیوم طرابلس غریبہ اہالی و قطعانہ قارشى ذات حضرت خلافتناہی بی تمثیل ایتکدہ در .

قطعان عثمانیہ ، الیوم ایتالیانلر اندہ بولونان لیانلری قرہ دن طوبہ طوتدقلری کچی ، تحت البحر لر دخی انتلاف سفائن حربیہ سنک اوزون منزلی طویلرلہ عثمانی قطعانی طوبہ طوتمالرینہ دقت ایتکدہ . درلر . تحت البحر لردن مرکب بر قیلو دائماً طرابلس غرب صولرندہ طولاشمقدہ اولدیلغندن برمدتن بری طرابلس غرب صولرندہ یک اوقادار بویوجک دشمن سفائن حربیہ سنی کورولمیور . دیگر جہتدن

متفقین حشمت قرین آلمانیا ایمپراطوری و آوستریا و مجارستان
ایمپراطور و قرالی و بلغارستان قرالی حضرت ایلہ سلطنت سنیہ ملوکانہ منہ
مہر خصلتک برست لیتووسق بلده سسندہ روسارلہ عقد استدکاری
مصالحہ نامہ یہ توفیقاً آرای عمومیہ اہالیہ مراجعت اولمش و بوانندہ
مسلم و غیر مسلم سکنتہ موجودہ محلیہ طرفارندن حق شاہانہ مزہ
ابراز اولنان آثار صدق و محبت نزد ملوکانہ مزہ بادی ممنونیت فوق
العادہ اولمشدر .

ملککنار کزک مادر معزز وطنہ اعادہ ارتباط و التحاق خصوصندہ
واقع اولان استدعا و طلبکز بوکرہ تختکاه سلطنت سنیہ مزہ ارسال
و ابعاث ایلدیککز ہیأت مخصوصہ جانبندن تکرار و تأیید قلندر
عثمانیلقلہ ینکسزده جایکیز اولان روابط قدیمہ و تاریخیہ نک هیچ بر
صورتلہ دوچار انحطاط و زوال اولیہ جنی اثبات قلندمش اولقلہ بو
بابدہ کی ممنونیت مخصوصہ شہر یارانہ مزک جملہ کزہ تبلیغی و ہیأت
مذکورہ اعضاسنک سلام ہایونمزہ تلطفلرینی ارادہ و ملککنار کزک
مالک شاہانہ مزہ الحاقی خصوصندہ کی آرزو کزک قبولیلہ اجرای مالک
عثمانیہ دن عد اولمشنی و امور ادارہ سنک آکا کورہ تنظیمی ہیأت
و کلامزہ امر ایلدم .

شو حادثہ متیمنہ نک دولت و ملتیز حقندہ بادی خیر و سعادت
اولمشنی درکاز باریدن تضرع و نیاز ایلرم . جناب حق جملہ مزنی موفق
بالخیر بیورسون آمین . ۸ ذی القعدہ ۱۳۳۶ ۱۵ اغستوس ۱۳۳۴

محمد زہیر الدین

شئون

فلسطین :

اوستریا سیرنیست مرکز لریک سری . — آمستردامدہ بولونان
یہودیاریک مخابرات دائرہ سنہ وینا دن کلن بر تلغرافنامہ یہ نظراً :
آوستریا حکومتی قاراقوودہ بولونان بوتون سیونیستلرک مرکز لرینی
واجتماع سالونلری قیامش ، وینادہ دخی برچوق سوسیالیست
سیونیستلری بعض طلبہ لردہ داخل اولمق ادرزہ توفیق ایتمش
و اشلاخیلرہ میال اولان سیرنیست جمعیتلرینی دہ فسخ ایشدر . غالبچادہ
ایسہ بوجیلین یہودیاریہ قرشی قتل عام یایلمشدر .

سیرنیست قولونلری رسالہ اراضیسی . — لوندرہ دہ کی غریشام
کلیہ سسندہ دو قنور و . چ . ماسترمان بو موضوع حقندہ اوزون بر
برنطق ایراد ایشدر . بعض فقرہ لرینی نقل ایدہ بیورز : د بو قولونیلر
اوتوز سنہ اولی روسیہ یہودیاریندن ہجرت ایدن طلبہ لرواسطہ سیلہ تأسیس
اولومشدردی . بو طلبہ لرو سائط قیہ دن ، آلات جدیدہ دن محروم

اولدقاری و لسان محلی و مملکتک احوالی بیلمدکاری حالہ
عزم و ثبات ایلہ فلسطیندہ سیرنیست تللرینی قورمشلردر . بوکون
فلسطیندہ کی سیونیستلرک اراضی مزروعہ سی یکریمی بیک ابکاردر .
(بر ابکار اوچ بچق دونددر .) اراضی باغلر ، پورتقال ، بادم
وزیتون آغاچلریلہ مستور و بذول اورمانلرلہ مزیندر . بو مزروعاتک
قیمتی بر میلیون انکیز لیر اسندن فضلہ در . بو ایشارلہ مشغول اولانلر
شو نقطہ بی نظر دقتہ آلملیدرلرک : اورادہ کی مسلمان چیفتہ چیلرک
حقوقی محفوظ و مصون قالمق لازمدر . زیرا بونلر باشقہ اراضی بولہ
مازار . سالہو کہ اونلرک ددہ لری ، بنی اسرائیلک اورایہ ہجرت
ایتلرندن نیجہ عصر اول اورادہ بولونیورلردی . بناء علیہ ساکن اولدقاری
کویلرہ و مالک اولدقاری مزروعات و اراضی یہ تعرض ایدیلہ ملیدر .
بوکونکی بطنلرک اولاد و احفاد بنہ میراث قالہ حق اولان بازار اراضی
صادیر ماملی یز . بونلرک استثمار و زرع ایتہ یہ چکری راسع و متروک
اراضی وارددر . ایشتہ بو قیل اراضی یہ سیونیستلرک فعالیتی داخل
اولمشنی مسلمانلرک منافقہ خادمدر . زیرا بو اراضینک انکشافی حالندہ کندیلری
دائماً یومیہ ایلہ ایش بولہ بیلرلر . بویلہ لککہ بوکونکی فقر و ضرورتلری تخفیف
ایدیش اولور . فقط یز بویلہ یامایوب اونلری املاکارندن تمجید و محروم
ایدہ چک اولورسہ ق دائماً بزہ قارشنی مغیر ، غیر ممنون ، کولہ لری کی
سفیل بر ملت حالندہ قلاچہ لردر . ایوم شرقدہ اراضی مسئلہ سسندہ
اسکی زمانلردہ اولدینی کی عینی حسیات حکم فرمادہ . بونک ایچوندرکہ
عثمانیلر مسلمانلرک حقوق مشروعلرندن و املاکارندن محرومیت
قورقوسیلہ و انکلترنہ نک اماکن مقدسہ حقندہ بسلہ دیکی آمال و نیات
قورحاجویانہ طولایسیلہ حرکتلری منع خصوصندہ فعالیتلرینی تزیید
و تشدید ایتدیلر .

بلوچستان

انکلیز لری قارشنی قیامدر ، اعصیاندر . — هندستان نظارتک
تبلیغ رسیمسیدر : بلوچستاندہ کی ماریس قبائلک تعقیب ایتدیکی
مسئلک چوقدن بری پک فنا ایدی . صوک زمانلردہ ایسہ ایشی مسلح
عصیان و تمہدیانہ قدر واردیدیلر . بعض دفعہ لردہ خطران قبائی
ایلہ توحید مساعی ایدرک تلغراف تللرینی قطع ایدر ؛ ترمنلری آتشلر ؛
بولوندقاری برلرک اطرافندہ کی حکومت مرکز لرینی و دہ بولرینی یاغما و
تخریب ایدرلردی . بوندن باشقا اخیراً غومباز و مونزو قلعہ سنہ قارشنی
برچوق قرہ قوللر مزنی باصہرق تعرض ایتشلر و مهم تلفات ویردکدن
صوکرہ دفع اولمشلردر .

شیمدیکی حالہ اونلرک مسلسلکی پک قورقونج و عداوت آلود
اولدیندن اونلرہ قارشنی جدی تدابیر اتخاذ ایتکیمیز . طیارہ لرمز
صوک زمانلردہ بو قیلہ لرک اجتماعکارینی ، منزللرینی بو مباردمان
ایتشلردر .